

02/6-1
13-07-2018
249

UPRAVA POLICIJE, Ministarstvo unutrašnjih poslova Kantona Sarajevo, ulica La Benevolencija broj 16, koju zastupa policijski komesar, generalni inspektor policije Mevludin Halilović, (u daljem tekstu: **Naručilac usluga**)

i

Grupa ponuđača-konzorcijum AC QUATTRO d.o.o Sarajevo i PORSCHE BH d.o.o Sarajevo, Put života 1, koju zastupaju direktor Mirza Alispahić i izvršni direktor Haris Alispahić, ispred člana konzorcijuma AC QUATTRO d.o.o i direktor Alex Andor Vaszi i izvršni direktor Senad Olovčić ispred člana konzorcijuma PORSCHE BH d.o.o (u daljem tekstu: **Izvršilac usluga**)

Strane u okvirnom sporazumu saglasno konstatuju:

- da je Ugovorni organ u skladu sa Zakonom o javnim nabavkama ("Službeni glasnik BiH", broj 39/14) proveo otvoreni postupak za nabavku usluga redovnog održavanja vozila VW Golf u garantnom roku, sa ciljem zaključivanja okvirnog sporazuma sa jednim ponuđačem na period od 24 mjeseca;
- Okvirni sporazum ne predstavlja obavezu Ugovornog organa na zaključivanje ugovora o javnoj nabavci;
- Obaveza nastaje zaključivanjem pojedinačnih ugovora o javnoj nabavci, na osnovu ovog okvirnog sporazuma.

Naručilac usluga i Izvršilac usluga sklapaju:

OKVIRNI SPORAZUM

Član 1.

Predmet okvirnog sporazuma je utvrđivanje uslova za zaključivanje pojedinačnog ugovora o javnoj nabavci usluga redovnog održavanja vozila VW Golf u garantnom roku (lot 1). Odlukom broj 02-14-4-2964/18 od 09.05.2018. godine pokrenut je postupak predmetne nabavke. Najpovoljniji ponuđač izabran je Odlukom broj 02-14-4-2964/18 od 13.06.2018. godine. Okvirni sporazum se zaključuje u skladu sa uslovima iz tenderske dokumentacije, ponudom Izvršioca i stvarnim potrebama Naručioca usluga. Količine navedene u specifikaciji su okvirne i važe za vrijeme važenja Okvirnog sporazuma.

Vrijednost usluga redovnog održavanja vozila VW Golf u garantnom roku bez PDV-a iznosi 129.709,88 KM.

Ukupna vrijednost ovog okvirnog sporazuma bez PDV-a iznosi 129.709,88 KM.

Cijene su fiksne i ne mogu se mijenjati za vrijeme važenja ovog Okvirnog sporazuma.

Član 2.

Nakon zaključivanja okvirnog sporazuma, zaključit će se pojedinačni ugovor o javnim nabavkama.

Pri zaključivanju pojedinačnog ugovora, ne mogu se mijenjati bitni uslovi iz ovog Okvirnog sporazuma.

Član 3.

Izvršilac se obavezuje da se motorna vozila primaju u rad u roku od jednog (1) dana nakon prijema pismenog zahtjeva Naručioca za popravku.

Član 4.
Plaćanje se vrši u roku od 45 dana po dostavljanju fakture.

Član 5.
Izvršilac se obavezuje da ugovorene usluge izvrši u svemu prema tehničkoj dokumentaciji, propisima, standardima i normama kvaliteta koji važe za vrstu usluga koje su predmet nabavke.

Član 6.
Ukoliko poslije zaključenja ovog okvirnog sporazuma nastupe okolnosti više sile koje dovedu do ometanja ili omogućavanja izvršenja obaveza definisanih okvirnim sporazumom, rokovi izvršenja obaveza će se produžiti za vrijeme trajanja više sile.
Viša sila podrazumijeva ekstremne i vanredne događaje koji se ne mogu predvidjeti, koji su se dogodili bez volje i uticaja strana u okvirnom sporazumu i koji nisu mogli biti spriječeni od strane pogođene višom silom.
Višom silom mogu se smatrati poplave, zemljotresi, požari, politička zbivanja, imperativne odluke vlasti i slično.
Strana u okvirnom sporazumu koja je pogođena višom silom, odmah će u pisanoj formi obavijestiti drugu stranu o nastanku nepredviđenih okolnosti uz prilaganje odgovarajućih dokaza.


Član 7.
Ovaj okvirni sporazum se zaključuje na period od 24 mjeseca, a stupa na snagu danom obostranog potpisivanja.

Član 8.
Sva, eventualno sporna pitanja rješavat će se dogovorom, štiteći obostrane interese.
U slučaju nemogućnosti zajedničkog rješenja, eventualno nastalog spora, spor će rješavati nadležni sud u Sarajevu.

Član 9.
Ovaj okvirni sporazum izrađen je u četiri (4) istovjetna primjerka, od kojih po dva (2) zadržava svaka strana.


IZVRŠILAC USLUGA
AC QUATTRO d.o.o Sarajevo


direktor **Mirza Alispahić**



izvršni direktor **Haris Alispahić**

FORSCHE BH d.o.o Sarajevo


direktor **Alex Andor Vaszi III**


izvršni direktor **Senad Olovčić**

Broj: 16/18
Datum: 16.07.2018.


NARUČILAC USLUGA
MUP KANTONA SARAJEVO
UPRAVA POLICIJE
POLICIJSKI KOMESAR
Generalni inspektor policije
Mevludin Halilović

Broj: 02-14-4-4452
Datum: 13-07-2018